

U skladu sa članom 604. Zakona o obligacionim odnosima («Službeni glasnik R BiH», br. 2/92, 13/93 i 13/94) i člana 72. Zakona o javnim nabavkama («Službeni glasnik BiH», broj 39/14), zaključuje se

KUPOPRODAJNI UGOVOR

između Ugovornih strana:

1. Bosna i Hercegovina **Kantonalni stambeni fond Sarajevo** sa sjedištem u Sarajevu, ul. Hiseta 13A, koju zastupa direktor dr.sc. Adnan Efendić kao Naručioca posla (u daljnjem tekstu: Kupac), identifikacijski broj: 4200296330004, poreski broj: 01074411, transakcijski račun broj 1610000052250031 kod Raiffeisen Bank Sarajevo i

2. **MOBI D.O.O.**, Podvan bb, Visoko, koga zastupa direktor Muhamed Ganić kao Prodavca (u daljnjem tekstu: Prodavac), identifikacijski broj: 421841714000 PDV broj: 218417140000, transakcijski račun broj: 1542602001429989 kod Intesa Sanpaolo banke.

Član 1.

(Predmet ugovora)

(1) Predmet ovog Ugovora je nabavka **motornog vozila** za potrebe Kantonalnog stambenog fonda Sarajevo, marke Suzuki tip Vitara, model GL+4WD, boja crna, godina proizvodnje 2018 prema specifikaciji Kupca iz člana 8. ovog Ugovora.

(2) Ugovor se zaključuje nakon provedenog postupka javnih nabavki putem Konkurentskog postupka, na osnovu Odluke direktora broj: 02-01-361 od 16.02.2018. godine i ponude dobavljača broj: 09-03/18 od 09.03.2018. godine, koja je sastavni dio ovog Ugovora.

Član 2.

(Vrijednost ugovora-cijena)

(1) Cijena motornog vozila iz člana 1. ovog Ugovora iznosi ukupno **33.673,00 KM**
(slovima: trideset trihiljade šest stotina sedamdeset tri KM i 00/100) sa PDV-om.

(2) Cijena motornog vozila iz člana 1. ovog Ugovora iznosi ukupno **28.780,35 KM**
(slovima: dvadeset osam hiljada sedam stotina osamdeset i 35/100 KM i 00/100) bez PDV-a.

(3) Prodajna cijena podrazumjeva isporuku motornog vozila FCO Kupac, ocarinjeno i oporezovano (PDV 17%).

Član 3.

(Način plaćanja)

Plaćanje ugovorenog iznosa iz člana 2. ovog Ugovora za motorno vozilo, Kupac će izvršiti na transakcijski račun Prodavca u roku od 15 dana nakon isporuke motornog vozila, pregleda i provjere funkcionalnosti motornog vozila od strane Kupca, na osnovu ispostavljenog računa sa odgovarajućim priložim od strane Prodavca.

Član 4.
(Rok isporuke)

Isporuka motornog vozila iz člana 1. ovog Ugovora će se izvršiti najkasnije u roku do 30 dana od potpisivanja ovog Ugovora.

Član 5.
(Mjesto isporuke)

(1) Obaveza Prodavca je da motorno vozilo iz člana 1. ovog Ugovora isporuči u sjedište Kupca, prema specifikaciji iz člana 8. ovog Ugovora. Cijena isporuke je sadržana u cijeni iz člana 2. ovog ugovora.

(2) Isporuka motornog vozila će se izvršiti između predstavnika Prodavca i Kupca koji će sačiniti i potpisati Zapisnik o njegovoj primopredaji u kome će se konstatovati i navesti sve stavke prema kojima isporučeno motorno vozilo odgovara karakteristikama iz tehničke specifikacije iz tenderske dokumentacije i karakteristikama datim u specifikaciji Ponude.

Član 6.
(Viša sila)

(1) Kupac i Prodavac se neće smatrati odgovornim za kašnjenje u ispunjavanju obaveza prema ovom ugovoru ako je kašnjenje uslijedilo zbog više sile.

(2) Pod višom silom podrazumijevaju se slučajevi koji se mogu pojaviti poslije stupanja Ugovora na snagu, a koji nisu pod kontrolom nijedne Ugovorne strane, niti se objektivno mogu predvidjeti, a sprječavaju jednu ili obje Ugovorne strane u ispunjavanju njihovih obaveza.

(3) U što skorijem roku, nakon djelovanja više sile, a ne duže od dva dana, Prodavac detaljno obavještava Kupca pismenim putem o djelovanju više sile. U slučaju da se utvrdi da Prodavac nije u mogućnosti da ispuni obaveze prema ovom ugovoru, Kupac ima, i može koristiti, pravo na raskid ovog ugovora o čemu će pismenim putem obavijestiti Prodavca u roku ne dužem od tri dana nakon saznanja o djelovanju više sile.

Član 7.
(Garancija)

(1) Prodavac garantuje da će isporučeno motorno vozilo biti tvornički novo, neupotrebljavano, originalno i da će funkcionisati saglasno deklarisanim performansama.

(2) Garancija za isporučeno motorno vozilo: na motor je 3 godine ili 100.000 pređenih kilometara, na boju-lak je 6 godina, i na prohrđavanje karoserije 12 godina, a nakon toga je osiguran servis.

(3) U toku garantnog roka iz stava (2) ovog člana, Prodavac se obavezuje da će u slučaju kvara isporučenog motornog vozila, otkloniti kvar na vozilu u roku od tri dana od poziva Kupca.

(4) Prodavac je obavezan dostaviti garanciju za vozilo i detaljne podatke o načinu i uvjetima servisiranja motornog vozila u garantnom i vangarantnom roku, koja čini sastavni dio ovog ugovora.

Član 8.
(Specifikacija)

Sastavni dio ovog ugovora je specifikacija za motorno vozilo sa serijskom i dodatnom opremom, sa iskazanim količinama, jediničnom cijenom, iznosima PDV-a i ukupnom cijenom, koje je Prodavac priložio u svojoj ponudi broj: 09-03/18 tender od 09.03.2018. godine za učešće putem Konkurentskog postupka za dostavu ponuda.

Član 9.
(Zaštita prava)

(1) Sve eventualne sporove po ovom ugovoru, Ugovorne strane će nastojati riješiti sporazumno, a ukoliko do sporazuma ne dođe, za rješavanje spora nadležan je Sud u Sarajevu.

(2) Na sva prava i obaveze Ugovornih strana koja nisu regulisana ovim ugovorom, primjenjivat će se odredbe Zakona o obligacionim odnosima.

Član 10.
(Broj primjeraka ugovora)

Ovaj ugovor sačinjen je u četiri istovjetna primjerka od kojih Ugovorne strane zadržavaju po dva primjerka.

Član 11.
(Stupanje na snagu)

Ovaj ugovor stupa na snagu danom potpisivanja od strane ovlaštenih osoba Ugovornih strana.

Prodavac
Direktor



Broj: 126-03/2018
Sarajevo, 26.03.2018

Kupac
Kantonalni stambeni fond Sarajevo
Direktor



dr. sc. Adnan Efendić

Broj: 02-2018-165/2018
Sarajevo, 26. mart 2018.g.